

Reglur Félagsþjónustu Stranda – og Reykhólahrepps um liðveislu

(Félagsþjónusta Stranda- og Reykhólahrepps er sameiginleg félagsþjónusta sveitarfélaganna Árneshrepps, Kaldrananeshrepps, Reykhólahrepps og Strandabyggðar)

I Kafli

Markmið, hlutverk og skipulag liðveislu

1.gr.

Markmið með liðveislu

Með félagslegri liðveislu er átt við liðveislu skv. 24.gr.laga um málefni fatlaðra nr. 59/1992 með síðari breytingum. Markmið liðveislu er að efla viðkomandi til sjálfshjálpar, veita honum persónulegan stuðning og aðstoð sem miðar að því að rjúfa félagslega einangrun svo sem til að njóta menningar og félagslífs.

2.gr.

Réttur til liðveislu

Rétt til liðveislu eiga fatlað fólk sbr. 2.gr. laga um málefni fatlaðs fólks nr. 59/1992 sem búa utan stofnana eða sambyla, eru eldri en 6 ára og eru andlega eða líkamlega fatlaðir og þarfnast sérstakrar þjónustu og stuðnings af þeim sökum við að rjúfa félagslega einangrun. Viðkomandi þarf að eiga lögheimili í einum að þeim fjórum sveitarfélögum sem mynda sameiginlega félagsþjónustu Stranda – og Reykhólahrepps.

II kafli

Ákvarðanataka

3.gr.

Umboð og ut anumhald

Félagsmálastjóri Stranda og Reykhólahrepps hefur í umboði velferðarnefndar heimild til að taka ákvörðun um liðveislu skv. reglum þessum, sbr. útgjaldaheimild í fjárhagsáætlun sveitarfélaganna. Félagsþjónustan skal halda skrá um þjónustuþega og liðveitendur.

Framkvæmd þjónustunnar

4.gr.

Umsókn um liðveislu

Sótt er um liðveislu á skrifstofu félagsþjónustunnar. Umsókn skal undirrituð af umsækjanda, forsjáradila eða talsmanni. Með umsókn skal skila inn læknisvottorði þar sem kemur fram tegund fötlunar viðkomandi og/eða greinargerð frá Greiningar og ráðgjafastöð ríkisins.

5.gr.

Mat á þjónustu

Félagsmálastjóri metur þörf á liðveislu á grundvelli umsóknar, greinargerðar og annarra gagna er fylgja umsókn. Við mat á þjónustuþörf skal miða við að þeir umsækjendur sem hafa allra mesta þörf fyrir úrræði til að rjúfa félagslega einangrun fái samþykkt 10 tíma á mánuði eða liðveislan er veitt þeim einstaklingum sem metnir eru í þörf fyrir þess konar þjónustu og er hámark liðveislunnar 16 tímar á mánuði fyrir hvern einstakling innan gildandi fjárhagsáætlunar. Synjun umsóknar um liðveislu skal ávallt vera skrifleg og rökstudd.

6.gr.

Tímabil samþykktar

Fyrsta umsókn um liðveislu skal að jafnaði ekki vera samþykkt lengur en í 3 mánuði í senn. Að þeim tíma loknum skal umsókn verða metin að nýju og framlengd ef ástæða gefur til. Endurnýjun samþykktar skal að jafnaði vera til 6 mánaða. Þó er heimilt að veita 9 mánuða liðveislu sé hún tengd skólavist eða viðveru.

7.gr

Samningur

Gerður skal samningur þar sem fram er tekið það tímabil sem samþykkt er skv. mati félagsmálastjóra, mánaðarlega vinnuskyldu og skipulag starfsins. Þjónustuþegi skal kvitta fyrir þjónustu sem veitt er af liðveitanda hverju sinni en þeim vinnuskýrslum skal skila inn til félagsþjónustunnar fyrir 20. hvers mánaðar ásamt greinargerð um vinnu þess mánaðar.

8.gr.

Laun og útgjöld

Laun liðveitanda eru skv. taxa sveitarfélagsins og stéttarfélagi liðveitanda hverju sinni. Liðveitendum er óheimilt að taka við gjöfum eða greiðslum frá þjónustuþega. Félagsþjónustan greiðir að hámarki 150 km per mánuð skv. taxa opinberra starfsmanna um akstur. Þjónustuþegi greiðir sjálfur fyrir þann kostnað sem hlýst af tómsendum hvers mánaðar en félagsþjónustan greiðir að hámarki 3.500 krónur á mánuði fyrir liðveitanda gegn framvísun greiðslukvittana. Skila skal inn kvittunum ásamt akstursdagbók fyrir 20. hvers mánaðar.

9.gr.

Áfrýjun

Umsækjandi getur áfrýjað synjun á umsókn sinni um liðveislu til Velferðarnefndar Stranda og Reykhólahrepps. Ákvörðun Velferðarnefndar er svo hægt að kæra til Velferðarráðuneytisins og hefur viðkomandi 4 vikur frá dagsetningu synjunar nefndarinnar til þess að gera slíkt ef svo ber undir.

Reglur þessar voru samþykktar í Velferðarnefnd Stranda og Reykhólahrepps og sveitarstjórnnum Árneshrepps, Kaldrananeshrepps, Reykhólehrepps og Strandabyggð og tóku gildi 1. september 2011.